

Cartas nordic



Un serie de photos de locationes in le paisés nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2013

■ **Malmö, Svedia:** Illo non ha le aspecto elegante del castello Kronborg in Helsingør, Danmark, ma le castello Malmöhus es le plus ancian remanente del renascentia. Malmöhus esseva construite per Erik de Pommernia desde 1434, e restos del castello original remane. Le rege Christian III ordinava in 1536 le construction de un nove castello; illo esseva preste in 1542. Le reges danese viveva ci durante visitas in Malmö, quando le region esseva danese (usque 1658 con le si-appellate Pace de Roskilde). Alora Malmöhus deveniva un fortalessa verso le capital del inimicos in Copenhagen, Danmark. Le fortalessa esseva 1828-1909 un prison. Post restauration le Museo de Malmö esseva inaugurate in 1937. Hodie il ha collectiones historic in le castello.

Texto e photo: Thomas Breinstrup

Questiones

De qual periodo historic es Malmöhus?

Qual rege ordinava le construction de un nove castello?

Ha Malmöhus sempre essite usate como castello?

Que pote on vider hodie in Malmöhus?

Describe le photo: Que vide tu?
